

hat / in der gesatzten vnd geordneten zeit suchen / vñ aus-  
richten / sol er der Gegenschreiber in seinem Ambt an-  
troffen / vnd befunden werden / was im fall seins ambts  
bey ihme gesucht abzuwarten / Welche sich darüber mit  
vnnützen / vñ vorgeblichen wortten weren erzeygen /  
oder vornemen lassen / Sollen darumb nach gelegenheit  
gestrafft werden.

## Zubuss anzulegen /

Retardaten vber zuantwor-  
ten vnd theil / so gemeynen gewercken zuge-  
schrieben seint / wie mit den ge-  
handelt werden sol.

**W**An sol alle quottember / wo es not ist / zubuss an-  
legen / nach ernessung Bergkmeisters / vnd ge-  
schwornē / die der Schichtmeister das ander quartal  
hernach vor vnserm Bergkmeister / den gewercken sol be-  
rechnen / Als dann mügen die gewercken mit racht des  
Bergkmeisters / nach notturfft der zechen / wider zubuss  
anlegen / die inn vier wochen nach beschluss einer ieden  
quarthal / rechnung von einem ieden gewercken sol gege-  
ben werden / Welcher aber nach anlegung der zupusten  
inn vier wochen negst folgende / sein zubuss nit gibt / den  
oder die / sol der Schichtmeister vnserm Bergkmeister /  
im register anzeygen / die von stundan / sollen ausgethan  
vnd den vorzupusten gewercken / zugeschrieben werden.

**H**aier vnd arbeiter lohn / wie  
solchs durch den Bergkmeister mag  
gebessert werden. C